



Girkojagi prefašuvnnat

Liturga lávlu dahje cealká girkojagi prefašuvnnaid.

Adveanta

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, gean don vuolggahit beastit máilmmi, ollašuhttit lohpadusaid maid don addet álbmogasat profehntaid bokte. Su bokte máidnot engelat du hearvásvuođa, ja du searvegoddi almmis ja eatnama alde rámda du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

Juovllat ja Márjjabeaivi

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte min dihtii šattai olmmožin, vai mii šattašeimmet du mánnán, bestojuvvon seavdnjadasas du ovddolaš čuovgasii. Su bokte engelat máidnot du hearvásvuođa, ja du searvegoddi almmis ja eatnama alde rámda du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

Almmustusáigi

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte almmustahttii du hearvásvuođa máilbmái, amas dat guhte čuovvu su, vadjolit seavdnjadasas, muhto vai sus lea čuovggas ja agálaš eallin. Su bokte engelat máidnot du hearvásvuođa, ja du searvegoddi almmis ja eatnama alde máidnu du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

Fástu

Duođaid lea dohkálaš ja riehta ahte mii álelassii ja juohke báikkis rámidit du, buotveagalaš Ipmil, agálaš Áhčči, Jesus Kristusa, Hearrámet bokte, guhte ráhkistii min ja attii iežas min ovddas, ja lei gulolaš jápmima rádjái, ruossa jápmima rádjái. Su bokte máidnot engelat du hearvásvuođa, ja du searvegoddi almmis ja eatnama alde rámda du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

Beassážit

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte. Son lea duohta beassásláppis, guhte lea guoddán min sudduid ja bajásčuožžileamis bokte vuoitán jápmima. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Helloduorastat (Kristusa albmáimannanbeaivi) ja sotnabeaivi ovdal hellodagaid

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte manai bajás albmái ja dál čohkká du olgeš gieđa bealde. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Hellodagat

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte čohkká du olgeš gieđa bealde ja lea vuolggahan Bassi vuoiŋŋa su duođašteddjiid badjelii, vai du álbmot beasašii ávvudit iluin ja sárdnidit du stuorra daguid mángga gillii. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Golmmaoktavuođa áigi 1

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, gean don vuolggahit bestojupmin máilbmái, vai mii su jápmima bokte oččošeimmet ándagassii addojumi buot sudduin ja su bajásčuožžileami bokte vuoittášeimmet agálaš eallima. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

dahje 2

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte. Son lea ealli láibi mii bohtá almmis ja addá máilbmái eallima, amas dat guhte su lusa bohtá, nealgut, ja dat guhte sutnje osku, goassege goikat. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

dahje 3

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte buvtii almmiriikka midjiide ja sárdnidii ilolaš sága, vai suddolaččat besset čohkkát du riikka beavddis. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

dahje 4

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte dagai min iežas máhttájeaddjin ja lohpidii leat minguin buot beivviid gitta máilmmi loahpa rádjái. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Hállemasbeaivi, martyrabeaivvit

Duođaid lea dohkálaš ja riehta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte lei Beasti ja ovdagovva buot du bassi olbmuide geat leat ollašuhttán mátkki ja seailuhan oskku. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Buessivdnádussánit

Dábálaččat adno aronlaš buessivdnádus searvegotti válđoipmilbálvalusain, ja álo go dat dollojuvvojit allameassun. Ipmilbálvalusain main fáttá ja čiekŋudahttima dáfus lea sávahahtti, sáhtá atnit ovttá čuoŋvovaš buessivdnádussániin dahje eará heivvolaš buessivdnádussániin.

1

Apostallaš buessivdnádus sáhtá adnot ipmilbálvalusas mas dat ii leat adnon álggahussátnin

L | Hearrámet Jesus Kristusa árbmu, Ipmila ráhkisvuohta ja Bassi Vuoiŋŋa servvolašvuohta lehkos dinguin buohkaiguin!

S | **Ámen.**

2

Sáhtá lávlut dahje cealkit:

Buo | **Buessivdnit min, Ipmil Áhčči. Buessivdnit min, Ipmila Bárdni. Buessivdnit min, Ipmila Bassi Vuoiŋŋa. Ámen.**

3

L | Ipmila, min sivdnideaddji,
Jesus Kristusa, min beasti,
ja Bassi Vuoiŋŋa, min eallindahkki buessivdnádus
lehkos dinguin buohkaiguin.

S | **Ámen.**